



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Widmung

urn:nbn:de:hbz:466:1-30427

REVERENDISSIMO D.

D. CAPELLANO TRIVULTIO,
EPISCOPO PLACENTINO,
COMITIQUE,
FR. BARTHOLOM. FVMVS VI-
LAVREN. PLACENTINVS, OR-
DINIS PRAEDICATORVM, AC
HAERETICAE PRAVITA-
TIS INQUISITOR,
S. D. P.



Sed ille rerum omnium artifex Deus optimus, Reso-
rētissime Archimandrita noster, antequam vllas conde-
ret creaturas, in seipso sufficiens, omnem perfectionis pleni-
tudine, omnem excellentie gradum, omnē denique entitatis
(vt ita loquar) modum perfectissimi complectebatur. Verū
quoniam (diuo attestante Dionysio) boni natura haec est,
vt sese alijs communiuet, mundum hunc multifarias rerum
species continentem, in quibus ipse orbu artifex multis mo-
dis suam ostenderet maiestatem, plasmare decreuit. Vnde supermundanos primū
illos spiritus, tribus Hierarchijs partitos, nouem pariter ordinibus discretos pro-
tulit, in quibus inexhausta bonitatis speciem depinxit, seque ab eisdem per in-
tellectilem cognitionem participandū exhibuit. Dehinc tornatiles calorū glo-
bos, radiosum Solis iubar, pallentem Lunā, fulgentia astra, mirabili imposuit
harmonia, qua omnia proprijs motibus perpetua lege, congruenter aptauit. Qua-
tuor postmodum finxit elementa, ignem videlicet aërem, pontum, & aridam, in
quibus animantia quaque praecipue hominem ad sp̄sus Dei optimi imaginem for-
matum, collocauit. At ne miseri mortales improba urgerentur fame deperirentq;
lubricos undis pisces, dulcia arboribus poma, virentia cōpis gramina producere
mandauit. Sicque factū est, vt mundus iste ita examusum, et perpulchrē cōpāctus
fuerit, vt melius rectiusque fieri nequiverit, quandoquidem superuacuanē, vel
otiosum nihil sit reperiri, neque necessarium quicquam in eo deesse cōtingat. Vnde
fit, vt creaturae omnes, & quae praesertim ratione vigent, authorem suum toto vir-
tutis conamine studeant imitari: Ita siquidem, vt gratiam, & bonitatem, quam
à Deo optimo gratis acceperunt, gratis impartiantur, ne cū extremo vite ter-
mino ante tremendum Dei tribunal steterint: Vt quid pecuniam meam in su-
dario repositā seruastis, audire cogantur. Igitur iuxta viriū mearū mensurā li-
quid eammodi alijs asferre cupiens laborem hunc haud paruum, humoris meo
certē imparcam, animarum me ardore stimulante, libenter assumpsi. Conspiciens
itaque in enucleandis conscientie casibus summarum lata volumina, perplexas
materias, opinionum varias sententias, multiplices distinctiones, infinitas Docto-
rum citationes, & prolixam disputationum seriem, legentium animos ad nauisū
prouocare, quampluresque sacerdotes disputationibus non assuetas, à veritate ie-
iuos relinquere, lassisque eorum mentes confundere librum hunc, quem Armil-
lam Auream appellare dignū duxi, summo studio, nec minori labore edere cura-
ui. Armillas in manibus mulieres Hebraeae, vt in Ezechiele legere est, Sabini verò
a 2 in Lauo

in laevo brachio portare solebat: sic sacerdotes, opus hoc in manibus per operis ex-
 ercitusum habere studeant. Hic profecto canonet, & mensuras, quibus salubres a-
 nimabus preparant medicinas breui calle inuenire poterunt. Prolixum volumē
 nequaquam connexui, neque adeo breue aut mutilum, ut opportuna ad animā
 salutem omiserim remedia, sed compendiosius truncaui, qui ad rem non facie-
 bant, apicibus, reiecit etiam multarum legum citationibus, ac varijs dictorum
 opinionibus omisis, aliquibus tamen de sacrorū canonis capitibus, theologicis, nec-
 non & physicis rationibus breuiter collectis, nudata, digestamque veritatem in
 ianuis patenter exposui, ut qui huic operi incumbere voluerint, veritate citius
 reperta, animosius prosequantur. Sufficiat enim sacris sacerdotibus animarum
 curam gerentibus sinceram inuenisse veritatem: qua reperta, penitentem corri-
 gere, instruere, & iudicare valeant. Si qui autem ingenio praestantiores, hac al-
 tius repetere voluerint, citatos in hoc volumine Doctores videant, legantque.
 Sat itaq; mihi sit anima negotium fideliter pertractasse, & imbecillioribus ve-
 luti edentulis pueris, digestum cibum subministrasse. Hos igitur Reuerendissime
 Antistes labores meos, quos multo sudore in hoc opere collocaui, ipsūque opus,
 humanissima amplitudini tue offero, dico, confero, humili supplicatione te uti pa-
 trem obsecrans, ut latis supercilijs. & serena fronte volumen hoc (et si tam di-
 gnū haud mereatur habere patronum) suscipias, amplectaris: nec despicias, ut
 sub tanti praesulis felici auspicio, in lucem prodire audeat. Ne, quae so optime pra-
 sul filij tui munus (et si exiguum) reijras, quandoquidem recta mente, a quoque
 animo offertur. Lampridem solertissime animarum pastor. Philotheam, laborum
 meorum veluti primitias Reuerendissime D. tue obtuleram, quae immortalis
 animi dignitatem continebat: nunc vero ipsius si (forsan aegrotauerit)
 salutem medela, & opportuna exhibeo remedia, quae te prae-
 cipe decet, cum ob vitae tuae probitatem & morum honesta-
 tem, nec non ingenij praestantiam, ad Placentini gre-
 gis curam, Domino donante electus fueris, te qua
 ad maiora ascensurum, annuente rerum
 auctore, speremus. Vale urbis no-
 stra pater, & splendor.

